

惜分齋軒醫案



中華民國十二年冬月鐫版定價每冊

惜分陰軒醫案四集

杭州三三醫社發行

板藏三
三醫社

醫藥叢書第四集凡例

一是書專刻先輩遺稿近賢新著並已行亡版之孤本期於流通不致湮沒四方同志有以藏書見惠酬荅從豐

一近時書籍多用石印鉛印及洋紙形式既不樸質藏晒尤難經久故本書不惜工本純用木刻中紙古式精裝爲完全藏書格式且爲完全國貨

一是集所採各書共計四種皆爲極有價值之書閱者自能賞鑑

一叢書體例常見數種小冊合訂一本是書概以按種分訂俾無力全購者得以指購單種

一本集將前各集未及刊完之書已皆刊成完璧以慰閱者盼望

一是書無論統購全集或指購單種除附印另議外照定價均無折扣但書業報社代售者不在此例

一凡各處圖書館閱報社報館學校本會會員本社社友如同時并購全集二

部者當加贈一部

一凡同時并購上百部者不拘全集單種准可附印只收工料但不得另行翻刻

一購書者將書價及郵費一併用郵匯最爲妥便不通郵匯之處以郵票代銀亦可但須固封函內掛號直寄杭州城中三三醫社收當班奉書不誤

一本集所採書目研經言吳氏醫案惜分陰軒案四集徐批葉氏晚年醫案四種又在前集預告有讀有用書樓藏書醫家類簡目激廬醫話二種因特種事故擬待緩刊單本且本集幅頁已難容納定價仍每部一元六角外埠加郵力一角六分惟因紙價昂貴不售預約

醫藥叢書四集序

醫學叢書之刻爲流通古籍傳播新著者也。然時會遷變。歛刷之工已成絕技。余不諳世故。從事於此幾十載。而成書僅四集。本集出版。差幸首尾已全。完璧不缺。得以告無罪於愛讀者。此後進行更較迅疾。如三三醫書。每出一集。計收採書籍至三十三種之多。每採一種。不拘卷數多少。皆完全刊竣。一年之間。可出一集或三集。自問辦法已有改進。對吾醫學界亦已竭盡棉力矣。惟未識吾醫界對之爲何如。

民國十三年裘吉生識

惜分陰軒醫案卷四例言

一每方存根事屬繁瑣茲編門診至愈期總留一稟出診將愈之先假錄竣而郵璧原主故方多一如其舊屬詞支離佶屈聲牙不遑脩也

一時疫溫病與內傷調理各錄一冊總錄時略分前後不分門類隨筆錄騰並未屢易其稿故不免錯字有外診疑難大症歸而筆記略而不詳以此

一病家貧富不一鄉野重巫城人輕躁求速效則同及已愈或不注意達後有自行食療者有病愈後復患別恙不治者此集知者均瑣載存其真也

一伏暑夾積濁留戀忌直攻宜緩導而以濁滯得洩爲病易解惟虛人治實礙虛最易傷氣陰病解而有脫竭之徵卷三案中已有數症顧其本體而效茲編如蕭陳氏李泉室之伏暑吳森奎子之暑厥怡昆子之霍亂等是治法以顧氣陰者遠祖葉吳二氏近誦黃樂亭醫案實驗確鑿例得附識

一外感時疫胥視病者之元氣而定其愈否己未之霍亂以熱閉爲多倖愈其

起卽浴汗戴眼無力以言率多脫竭辛酉秋仲蔣伯豪房後霍亂瀉如米泔
肢冷額汗冷戴眼脈細如伏四肢不收決其不起勉與回陽救急去麝加鷄
內金伏龍肝外治以來復丹封臍其父不用參雖回暖而氣嘶竟脫以見重
症危險元氣不克支持如是

一治症須視其可愈許治必怕事不耐煩審問此集陳福妻之小產瘞厥冒險
詳詢設法圖愈後雙方有益李泉室吳森奎子皆是勉擬挽回惟前輩王旭
高氏尙訪病者未愈令其復診以竟其愈此則德不足以副之輓近難於仿
行而可盡心爲之如李泉室孱勞婉勸峻補而起逾年孕育誠字之效

一診治貧病較多無糧之師利於速戰而督促之殷要在速效或一方兼具複
法信任得效可竟痊功雖屬繁瑣可備一格因世間實有雜合症昧者每謂
治其本證係屬扼要但多不應治宜兼籌並顧已有實驗均前賢成法也

惜分陰軒醫案卷四序

醫者理也。學理深邃。千變萬化。賴以養生濟世。變理調和。爲學術最精之科。爲政治最要之務。與人種之強弱。國勢之盛衰。極有關係。故范文正公有不爲良相。爲良醫之語也。曠觀今世。若都會若商埠。若城市若村鎮。以醫爲業者。實繁有徒。而以良醫稱者。竟寥若晨星。推原其故。一因吾國數千年來傳述之醫書。汗牛充棟。莫衷一是。如傷寒金匱。陳義奧古。千金外臺。選方繁博。金元四大家。或偏攻偏補。或偏寒偏溫。門戶各分。師承無自。一因近世市僧者流。昧於醫道之精微。以爲最易學步。謀利之淵藪也。襲取皮毛。卽懸壺市衢。其遺誤民命。良可慨嘆。此歐風美雨。所以乘隙而入也。紹興裘吉生君。有志活人。思保國粹。恫乎我國醫道式微。思所以挽救之。糾合同志。創設醫藥學報社。搜羅名著。彙刊叢書。吾邑周小農先生。所著惜分陰軒醫案。亦得以行世。其第一二三卷。早已膾炙人口。遐邇傳誦矣。竊於癸丑秋。抱腫脹症。危在旦夕。延請周君診治。

方得轉危爲安。此乃身受確效。載入第二卷中。茲第四卷醫案錄竣。屬眾作序。誼不獲以不文辭。蓋自束髮受書。讀魯論醫雖小道。必有可觀。致遠恐泥。君子不爲一章。朱註小道如農圃醫卜之屬。不知醫雖小道。關係實大。以黃帝之聖智。尙親咨岐伯。更相問難。垂法以福後世。歷代以來。均設醫學一科。亦以關係國勢者大。而注重之也。今裘君所刊醫藥叢書第四集。又將告成。周君醫案亦刊入。其中所述皆實事求是。極有經驗之作。堪爲後學津梁。凡研究醫術者。誠能家置一編。以資參考。小足以養生。大足以濟世。致遠恐泥。吾知免矣。功同良相。其在斯乎。此後醫案續出。風行海內。俾我中國醫界前途。日新月異。良醫輩出。超亞軼歐。可預卜人種之強。國勢之盛也。

民國十年歲次辛酉小春上澣無錫作霖氏張濟眾序於東大池培之第一校舍

醫藥叢書第四集總目

第一種 莫枚士研經言卷四

第二種 吳氏醫案卷四

第三種 惜分陰軒醫案四集

第四種 葉天士晚年醫案卷下

陳四蘇 莊氏士淵學醫舉歷不

陳三蘇 魯登通雅舉歷四葉

陳二蘇 吳升舉案密西

陳一蘇 尊蘇士南舉案密西

河漢金山西國其時日

惜分陰軒醫案卷四

無錫 周鎮小農別署伯華述

男 源逢儒參校

紹興 裘慶元吉生校刊

錢味青中華輪局太少君十餘齡素體瘦弱己未午月念八診寒熱四日遍發紅痧頭額爲甚成片似疔身腹較少足厥不暄口渴少寐目紅咳嗽脈右數甚舌紅尖絳有刺溫熱挾風內襲由氣而營氣逆血沸恐其薰蒸灼喉擬鼠粘翹蟬象貝赤芍元參僵蠶薄荷梔鼓忍冬籐地丁茅蘆根另以晚蠶沙西河柳桑枝煎薰洗其足服藥後額上疔狀已化勻齊身發較多足厥略暖瘡點亦佈少寐目紅咳嗽咽中不舒脈右數舌尖絳苔浮似糜邊碎溫熱薰灼津血擬上法參入清營解毒連心翹銀花知母元參川石斛莠貝赤芍丹皮紫草辰砂拌木通生甘草茅蘆根燈草另真玳瑁叁分鬱金四分川貝叁分研細燈心湯服瘡有回象足脛尙發目紅已退咳嗽夜仍少寐脈數苔蛻純絳有刺營血之熱邪

甚熾津液被傷擬生津清氣涼營解毒以達蘊熱鮮沙參石斛鮮竹茹知母
連翹銀花綠豆衣牛蒡赤芍蘘皮鮮生地丹皮蟬衣茅葦莖另犀角末二分辰
砂一分川貝四分研末燈心湯下熱退寐酣大便自解脈靖唇舌之絳均淡惟
嗽不退擬清肅餘邪石斛生甘草銀花綠豆衣黑豆衣柿霜甜杏仁玉竹牛蒡
川貝紫苑殭蠶蟬衣茅根此紅痧血熱津涸故涼營潤津得效倘投溫燥必變
張贊卿西水關其母七十二歲庚申五月中旬患寒熱轉但熱胸痞咳嗽痰膩
苔指汪醫謂邪痰與氣火合病與桑菊杏前薄桔勞貝鬱蘘風化硝竹葉燈心
玉樞丹之類四方不應漸至晡後熱重神迷不清廿一日延余診述知素有肝
氣痰飲以吐爲快此次熱經旬有八日晡後熱甚昏譫自汗粘膩脘痞風咳痰
不爽利脈左數右濡苔濁而乾按臍腹拒按作痛溫邪挾氣濕痰積交阻有胃
實之徵但古稀之外難於攻擊耳擬小陷胃湯加減取居高建瓴之義瓜蘘三
錢半夏二錢枳實一錢川連六分生薏仁三錢苦杏仁三錢金石斛五錢蓬莖

蓮三錢大腹皮二錢金沸草二錢青蒿三錢荷梗尺許用蘿蔔三兩燈心一把煎湯代水另廣鬱金三分川貝三分伽楠香八厘風化硝三分研服廿二復診昨夜熱沈迷已減脈汗止大便先痰濁後乾結如栗甚暢腹滿卽鬆按之尙疼咳痰白粘較爽自覺大腹熱灼脈數苔白溫邪挾痰積氣濕尙多怡交三候勢防轉變川連七分枳實一錢杏仁三錢白蔻花六分生薏仁五錢金石斛五錢炒紅麴三錢秦艽三錢川棟子二錢青蒿三錢佩蘭葉十片外以萊菔三兩茅根一兩海蜃二兩地栗五枚煎代水另製雄精二分廣鬱金五分川貝一錢菖蒲二分研末夜間燈心湯下廿四診熱發夜半勢減無煩懊昏糊等徵咳痰由多而少由韌而黃按脘腹尙痛自覺攻動矢氣脈數苔指微黃述知昨日曾有微呃邪積挾痰猶盛川連七分金石斛五錢厚樸花七分瓜蘖皮三錢枳實二錢射干二錢新會皮一錢雲苓五錢瓜瓣一兩青蒿三錢生薏米七錢枯苓二錢建瀉葉六分代水加枇杷葉七張冬瓜肉一兩五錢另西月石二分川貝二

錢風化硝四分鬱金三分研末沖服外治方京三稜蓬莖各錢半白芥子十四粒研水調敷腕中又炒紅麴三錢皮硝五錢木香導滯丸四錢研細加乾麵雞子白打餅清晨烘熱敷臍內布紮此未照用廿五診痰濁宿積下行甚暢夜熱頗輕脈象轉靖苔猶指濁腹猶稍痛邪積留戀濕熱依附恐尚有變生薏仁五錢紫苑二錢冬瓜子五錢瓜蒌皮三錢杏仁三錢鬱金三錢枳實一錢竹茹一錢川連五分青蒿三錢雲苓三錢金石斛四錢金沸草三錢莪蕪三錢另半貝丸錢半先服風化硝二分沖湯廿六改方去莪蕪枳實風化硝加泡射干八分陳皮一錢枇杷葉五張其母以病勢旋衰輟藥數日猶因平時肝病每進戒烟丸復日服多數暨烟泡等又轉熱熾神糊親女不識後事齊備矣晦日又延子診熱屆四候戀而未清今晨熱熾神糊妄言口渴遍發斑疹脈數左弦苔轉灰黑溫熱挾痰內竄營絡恐其內陷厥陰而致昏瘡金石斛八錢鮮沙參八錢丹皮三錢鮮生地七錢鮮薄荷七錢同打牛蒡子三錢銀花二錢萊豆衣七錢竹